



Selamat Datang
Ke Laman Portal
Universiti Putra Malaysia

UTAMA | FAKTA & ANGKA | MEDIA | DIREKTORI KAKITANGAN | LOKASI | PETA LAMAN | SOALAN LAZIM | HUBUNGI KAMI

CARI



Khamis, Julai 18, 2013

MENGENAI KAMI | PENYELIDIKAN | AKADEMIK | JARINGAN | ANTARABANGSA | KEHIDUPAN KAMPUS
PERKHIDMATAN

| A- | A |
A+ | ENGLISH

BERITA »

UPM dan University of Newcastle tawar ijazah pasca siswazah bersama

Oleh Kuah Guan Oo
Foto oleh Azreen Awang



SERDANG, 10 Jun (UPM) – Universiti Putra Malaysia (UPM) membuka lembaran baru apabila menjalin hubungan dengan University of Newcastle yang berprestij dari Australia dalam menawarkan pengajian pasca-siswazah dengan ijazah mempunyai logokedua-dua universiti.

Perjanjian di bawah Program Ijazah Tinggi Dianugerah Bersama (JARHDP) itu terkandung dalam satu Memorandum Perjanjian (MoA) ditandatangani oleh Naib Canselor UPM Prof Datuk Dr Mohd Fauzi Ramlan dan Naib Canselor merangkap Presiden University of Newcastle, Prof Caroline McMillan, bagi pihak institusi masing-masing di sini hari ini.

Majlis memeterai perjanjian itu, yang pertama oleh sebuah universiti Malaysia, disaksikan oleh Dekan Pusat Pengajian Siswazah UPM, Prof Dr Bujang Kim Huat dan Pro-Naib Canselor (Singapura) University of Newcastle.



Walaupun biasanya skim JARHDP itu adalah selama empat tahun akademik, dalam kes tertentu calon terlibat boleh dibenarkan menyerahkan tesis mereka lebih awal.

Calon-calon yang kini berdaftar di salah sebuah universiti boleh dibenarkan berpindah ke skim JARHDP dengan kelulusan kedua-dua belah pihak dan semua penyelia.

Perjanjian itu menyatakan bahawa cadangan seseorang calon mesti mengenalpasti sumber-sumber diperlukan kedua-dua pihak dan ketika calon skim JARHDP hadir di kampus, setiap pihak bersetuju menyediakan sumber projek ditetapkan dalam kertas cadangan diluluskan.

"Pihak-pihak terlibat bersetuju calon dikehendaki hadir di kampus institusi tuan rumah selama paling kurang setahun pengajian akademik dan maksimum dua tahun, untuk diperiksa mengikut JARHDP."

Calon mungkin didkecualikan daripada membayar yuran tuisyen di Newcastle, tetapi ketika di UPM mereka perlu membayar yuran-yuran UPM termasuk insurans dan bayaran sampingan.

Bahasa pengantar digunakan di kedua-dua universiti adalah Inggeris dan kedua-dua pihak juga bersetuju semua projek JARHDP melibatkan penyelidikan manusia dan haiwan mesti mendapat kelulusan terlebih dahulu daripada jawatankuasa etika berkenaan.

Encik Saiful Maskan, penolong pendaftar Pusat Pengajian Siswazah UPM, memberitahu skim JARHDP menawarkan pelajar-pelajar Malaysia peluang memperoleh ijazah pasca-siswazah daripada universiti-universiti berprestij dengan belanja yang rendah.

Program dengan University of Newcastle ini adalah tambahan kepada program Ijazah Berganda/Ijazah Penyelidikan Dianugerah Bersama dimeterai oleh UPM dengan lain-lain universiti terkemuka seperti University of Sheffield, University of Nottingham, Ajou University, Kyushu Institute of Technology dan Jordan University of Science and Technology. – UPM

-- kgo/agn/kam

[RSS](#) | [Dasar Privasi](#) | [Dasar Keselamatan](#) | [Penafian](#) | [Notis Hakcipta](#) | [Peta Laman](#) | [Bantuan](#) | Jumlah Pelawat : 2341113
Paparan terbaik menggunakan Internet Explorer, Safari, Firefox, Google Chrome dengan resolusi 800 x 600 dan 1024 x 768 (S1)

@2013 Universiti Putra Malaysia
Kemaskini Terakhir : 18 Jul 2013

